

VELORIN 50& 100 TABLET

Atenolol (50mg &100mg)

Apakah yang ada pada risalah ini

1. Apakah kegunaan Velorin
2. Bagaimana Velorin berfungsi
3. Sebelum mengambil Velorin
4. Cara menggunakan Velorin
5. Semasa menggunakan Velorin
6. Kesan-kesan sampingan
7. Cara penyimpanan dan pelupusan
8. Maklumat lanjut
9. Pengilang & pemegang pendaftaran produk
10. Tarikh kemaskini RiMUP

Apakah kegunaan Velorin

Velorin digunakan untuk tekanan darah tinggi (hipertensi), sakit dada (*angina pectoris*), degup jantung tidak normal (*cardiac arrhythmias*) pada keadaan akut *myocardial infarction* (kematian sel otot jantung).

Bagaimana Velorin berfungsi

Bahan aktif dalam Velorin, iaitu Atenolol tergolong pada kumpulan ubat yang dikenali sebagai *β-adrenergic blockers* atau lebih dikenali sebagai *β-blockers*.

Seperti ubat penghalang *beta-adrenoceptor* yang lain, cara tindakan atenolol dalam rawatan hipertensi adalah tidak jelas. Ia mungkin disebabkan oleh tindakan atenolol dalam mengurangkan kardar jantung dan pengecutan yang menjadikan ia berkesan dalam mengurangkan gejala-gejala pesakit *angina*.

Sebelum mengambil Velorin

Bila tidak boleh mengambil
Jangan ambil tablet Velorin jika:

- Jika anda alah pada atenolol atau *β-blockers* yang lain, atau pada mana-mana kandungan produk ini.

Sebelum mula mengambil

Anda perlu beritahu doktor anda:

- Jika anda ada asma atau bronkitis.

- Jika anda mengalami *bradycardia* (kerencatan kadar denyutan jantung di mana kadar tersebut dikurangkan pada frekuensi kurang daripada 60 denyutan per minit.)
- Jika anda mengalami masalah jantung atau masalah pada saluran darah.
- Jika anda mengalami masalah buah pinggang atau hati.
- Jika anda mengandung atau merancang untuk mengandung, atau jika anda menyusukan anak.
- Jika anda mengalami tekanan darah rendah.
- Jika anda mengalami masalah jantung (*uncontrolled cardiac insufficiency*)

Jika mengambil ubat-ubat lain

Sila beritahu doktor jika anda ada mengambil ubat lain, terutamanya ubat yang disenaraikan di bawah:

- *Calcium channel inhibitors* (diltiazem, verapamil, nifedipine), *antihypertensive drugs* (clonidine), *sympathomimetic amines*, ergotamine.

Velorin perlu digunakan untuk ibu mengandung apabila kebaikan ubat kepada ibu melebihi risiko kesan sampingan yang mungkin berlaku pada bayi dalam kandungannya.

Cara menggunakan Velorin

Berapa banyak harus digunakan

Sila ikut arahan doktor.

Dewasa:

Hipertensi: Dos untuk dewasa adalah 50-100mg sehari sekali

Sakit dada (*angina pectoris*): Dos untuk dewasa ialah 100mg sehari sekali, atau 50mg dua kali sehari.

Arrhythmia: Selepas mengambil ubat atenolol secara suntikan, dos oral boleh diberikan 50-100mg sehari sekali.

Dos untuk kematian otot jantung tahap akut (*myocardial infarction*): 15 minit selepas suntikan atenolol diberikan, 50mg tablet

boleh diberikan secara oral, 12 jam kemudian berikan sebanyak 50mg lagi. Seterusnya diberikan 100mg setiap hari selama 10 hari.

Untuk orang tua:

Dos perlu dikurangkan, terutama pada pesakit yang mengalami masalah buah pinggang.

Kanak-kanak:

Penggunaan Velorin pada kanak-kanak tidak diindikasikan.

Apabila anda mengambil ubat untuk darah tinggi, doktor mungkin akan mengesyorkan anda untuk mengambil diet khas dan menghadkan pengambilan garam.

Jika tekanan darah anda tidak dirawat sebaiknya, ini boleh mengakibatkan masalah serius seperti masalah jantung, penyakit-penyakit berkaitan saluran darah, strok/angin ahmar, atau sakit buah pinggang.

Pemberian Velorin pada pesakit buah pinggang perlu diawasi dan berhati-hati. Dos perlu dikurangkan, terutama pada pesakit yang menjalani dialisis darah yang memerlukan Velorin harus dirawat dengan amat berhati-hati dan selepas dialisis darah, pesakit harus berada dibawah pengawasan doktor kerana ubat ini boleh menyebabkan tekanan darah rendah berlaku.

Bila perlu digunakan

Tablet ini perlu ditelan, tanpa kunyah dengan sedikit air. Jangan berhenti mengambil ubat ini secara tiba-tiba sebelum mendapatkan nasihat doktor, kerana ini boleh menyebabkan keadaan kesihatan anda bertambah teruk.

Berapa lama perlu digunakan

Anda harus ingat bahawa ubat ini hanya untuk mengawal tekanan darah tinggi. Ubat ini bukan untuk menyembuhkan masalah tekanan darah tinggi anda. Dengan itu, anda

VELORIN 50 & 100 TABLET

Atenolol (50mg & 100mg)

perlu terus mengambil ubat ini selama yang diarahkan oleh doktor.

Jika terlupa menggunakan

Jika anda perlu mengambil ubat secara berterusan dan anda terlupa ambil satu dos, sila ambil dos tersebut setelah anda ingat. Namun, jika waktu untuk mengambil dos seterusnya telah hampir, tidak perlu mengambil dos yang tertinggal. Ambil dos seperti biasa. Jangan ambil dua dos pada satu masa.

Jika mengambil berlebihan (terlebih dos)

Simptom terlebih dos yang mungkin berlaku adalah tekanan darah rendah, denyutan jantung perlahan, kekejangan pada saluran pernafasan dan kurang gula dalam darah.

Hubungi doktor anda dengan segera atau pergi ke jabatan kecemasan hospital yang terdekat jika anda rasa anda atau sesiapa sahaja mungkin telah mengambil terlalu banyak ubat ini. Buat demikian walaupun tiada apa-apa tanda ketidakselesaan atau keracunan. Anda mungkin memerlukan rawatan perubatan dengan segera.

Semasa menggunakan Velorin

Perkara yang perlu dilakukan

- Dapatkan nasihat doktor atau ahli farmasi sebelum mengambil sebarang ubat.
- Simpan risalah ini di tempat yang selamat. Anda mungkin perlu membacanya lagi.
- Jika ada sebarang soalan, sila tanya doktor atau ahli farmasi anda.

Perkara yang tidak boleh dilakukan

- Ubat ini diberikan untuk anda seorang sahaja. Jangan berikan ubat ini pada orang lain. Ini mungkin akan memudaratkan mereka, walaupun simptom mereka sama seperti anda.
- Velorin dikontraindikasi pada pesakit yang mempunyai alahan (*hypersensitivity*) pada bahan aktif, atau mana-mana *β-blocker*,

atau kandungan lain produk ini, jantung tersumbat tahap 2 dan 3, '*cardiogenic shock*' (keadaan dimana aliran darah ke jantung berkurang), '*bradycardia*' (gangguan pada kadar denyutan jantung dengan penurunan frekuensi kepada kurang dari 60 denyutan seminit), tekanan darah rendah, masalah jantung (*uncontrolled cardiac insufficiency*).

- Memandangkan terdapat beberapa ubat yang boleh berinteraksi dengan atenolol, ubat-ubat ini tidak boleh digunakan secara serentak. Walaubagaimanapun, beberapa ubat ini boleh digunakan bersama-sama dengan pengawasan rapi oleh doktor. Dalam kes ini, doktor boleh mengubah dos yang diambil, atau mungkin terdapat beberapa langkah khas yang perlu diambil, jika perlu. Jika anda perlu mengambil Velorin, anda perlu beritahu doktor atau ahli farmasi jika anda mengambil ubat lain, terutamanya ubat berikut:
 - *Calcium channel inhibitor* (diltiazem, verapamil, nifedipine), ubat darah tinggi (colinidine), *sympathomimetic amines*, ergotamine.

Perkara yang perlu diberi perhatian

- Berhati-hati ketika menggunakan atenolol ketika menyusukan anak, kerana atenolol boleh masuk ke dalam susu ibu. Dapatkan nasihat doktor atau ahli farmasi sebelum mengambil sebarang ubat.
- Velorin mungkin tidak akan mengganggu aktiviti memandu anda, atau ketika anda menggunakan mesin. Namun, Velorin mungkin boleh menyebabkan anda pening, letih dan tekanan darah menjadi rendah.
- Berhati-hati ketika menggunakan ejen anestetik jika ia digunakan bersama dengan Velorin. Sila beritahu doktor anda jika anda mengambil ubat ini. Jika anda tidak pasti, tanya doktor anda.

Kesan-kesan sampingan

Seperti kebanyakan ubat lain, atenolol boleh menyebabkan kesan sampingan yang tidak diingini.

Kesan sampingan yang paling biasa berlaku: *Peripheral vasoconstriction* (sejuk pada hujung kaki atau tangan), lemah otot, *bradycardia*, gangguan tidur, ruam kulit, bilangan platlet rendah, gangguan penglihatan. Kekejangan pada saluran pernafasan boleh berlaku pada pesakit yang menghidap asma bronkial.

Reaksi alahan (*anaphylactic reaction*) seperti ruam, gatal dan kesusahan bernafas boleh berlaku, tetapi ianya jarang berlaku. Jika ini berlaku, sila hubungi doktor dengan segera.

Jika kesan sampingan yang anda hadapi tidak disenaraikan, sila beritahu doktor anda dengan segera.

Anda boleh melaporkan sebarang kesan sampingan atau kesan advers ubat kepada Pusat Pemantauan kesan Advers Ubat Kebangsaan melalui No. Tel: 03-78835550 atau laman web portal.bpfk.gov.my (*Consumer → Reporting*).

Cara penyimpanan dan pelupusan Velorin

Penyimpanan

Simpan di bawah suhu 25°C, jauh dari cahaya dan kelembapan, dan simpan di kawasan selamat jauh dari jangkauan kanak-kanak.

Pelupusan

Tarikh luput produk terdapat pada bungkusan dalam dan bungkusan luar produk. Jika tarikh luput telah berlalu, jangan guna ubat ini.

Maklumat lanjut

Rupa dan warna produk

Velorin 50: Tablet berwarna putih, bulat dan bersalum filem.

VELORIN 50& 100 TABLET

Atenolol (50mg &100mg)

Velorin 100: Tablet berwarna oren, bulat, berskor, dan bersalut filem.

Bahan-bahan kandungan

Bahan aktif:

Atenolol

Bahan tidak aktif:

Pregelatinised Starch, Povidone, Microcrystalline Cellulose, Croscarmellose Sodium, Sodium Lauryl Sulphate, Lactose, Maize Starch, Colloidal Silicon Dioxide, Magnesium Stearate, Talc, Hypromellose, Macrogol 400, Titanium Dioxide.

Eksipien Tambahan untuk Velorin 100:

Sunset Yellow E110, Ponceau 4R E124.

Nombor MAL. :

Velorin 50: MAL19920633A

Velorin 100: MAL19910035A

Pengilang

Remedica Ltd, Aharnon St. Industril Estate, P.O. Box 51706, 3508, Limassol

Pemegang Pendaftaran Produk

LF Asia (Malaysia) Sdn Bhd (719-V), Lot 6, Persiaran Perusahaan Sek.23, 40300 Shah Alam, Selangor

Tarikh kemaskini RiMUP

12/08/2013